



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

12. Dies Februarii. Infernus est locus ubi nulla spes boni, nulla desperatio mali.

urn:nbn:de:hbz:466:1-45477

Febru.

Tessera.

115

stet, nolendo mori? Quænam potest illius esse Prudentia, qui uno voluntatis actu, cum possit summum malum convertere in summum bonum, malit illum actum voluntatis recusare, quàm vel tale malum effugere, vel tale bonum acquirere? Cane moriens cygneâ voce cum Poëta.

Non mihi fit durum quod novi me moriturum.

Nec mortem flebo, nam tecum Christe manebo.

12. DIES FEBRUarii.

Infernus est locus ubi nulla spes boni, nulla desperatio mali. *Hugo à Sancto Victore. lib. 4. de Anim. cap. 13.*

Infero- I. **S**I morienti comes fuerit pœna, erit rum locus æterna; quàm priusquam expendamus, locum pœnæ perlutremus. Infernus est regio Mortis, Regia dæmonis, cuius porta est desperatio, aula carcer, tapetes tenebræ, mensæ vincula, cibus fames, potus sitis, horologium ululatus, lecti ignes, ordo chaos confusionis. Est tenebricosum ergastulum æternis undique feris, claustris, repagulis, catenisque obseratum; cui supernæ iræ Dei imminet sigillum. Ad hoc subterraneum spelæum cogitando descenderat D. Bernardus, qui ubi ea, quæ geruntur, spectavit, quæ dicuntur, audivit, in hæc verba exclamavit; (a) O Regio dura & gravis, regio extimescenda, regio fugienda, terra oblivionis, terra afflictionis, terra miseriarum, in qua nullus ordo, sed sempiternus horror inhabitat! locus latifer, in quo ignis ardens, ubi frigus

H 2

rigens,

(2) L. 4. de Ani. c. 13.

rigens, vermis immortalis, fœtor intolerabilis, macula
percutientes, tenebra palpabiles, horribiles dæmoni-
facies! Totus tremo atque horreo ad memoriam
regionis, & concussa sunt omnia ossa mea. Cum de-
que sit locus ubi nulla spes boni, nulla desperatio ma-
illic jurati Dei inimici, omnibus quæ optare possunt
privantur bonis, omnibus, quæ timere possunt, co-
ciantur malis.

II. Quis illo loco erit miserorum Princeps? Quis
Dominus? Is qui à fœditate, & truculentia dicitur
Draco, à versutie, & calliditate serpens, à nocen-
desiderio leo rugiens, à magnitudine & potentia
Behemot, ab ira magne Diabolus. Quos habebunt
amicos? ne quidem unum in tota rerum universitate,
sed singuli, & damnati, & Beati, & Angeli, & dæ-
mones, & homines immenso quodam odio prosequen-
tibus. Erunt omnibus creaturis invisi, exosi, et
crabiles, abominabiles, tanquam ipsa abominatio.
Quos, qualesque socios habebunt? Malitia impro-
bos, specie horribiles, conditione miseros, rabie
rarios, malevolentia obstinatos.

III. Tu igitur, si sapias, imò ut sapias, hæc locum
ubi nullo bono est locus, sæpè cogitando adeas: ab-
das te sub terra, & omnia tibi displicebunt, quæ sunt
suprà terram. Imitare illum in eremo ascetam, de quo
in vitis Patrum traditur. [a] Ego, (inquit ipse) ob
peccata mea Inferno adjudicavi me ipsum, dico
que: Esto cum illis, quibus dignus es, istis post modicum
adnumeraberis. Aspicio ibi stridentes dentibus, & sa-
lientes toto corpore, & tremantes à capite usque ad pe-
des, Video & more bullientis, & circumfluentes, & mori-
gientis

[a] L. 7. c. 44.

gientes, ut putant aliqui, usque ad cœlos attingere fluctus ignis, & in tremendo illo mari, innumerabiles homines dejectos. O quam vicinus es isti loco jam expresso! Notum est illud Philosophi. Navigantes tantum tribus digitis distare à morte. Non quantum distant navigantes à morte, tantum distant viventes à Regione mortis. Avesne ô peccator scire, quantum distes ab Inferno? Tantum ut si hoc momento vivere desinas, altero momento in orco ardere incipias. Totus Infernus cum toto tormentorum suorum apparatu non distat à te nisi temporis puncto. Si hic times terrorem, qui corpus mortale torquet, quam sunt timendi illi, qui animam immortalem æternum torquebunt, nam juxta illud metrum.

*Sunt ibi tortores, serpentibus horridiores,
Deformes, nigri, sed non ad verbera pigri.*

13. DIES FEBRUARII.

Impius aperiet oculos in pœna, quos clausit in culpa. *D. Gregor. 25. Moral. c. 3.*

Tene- I. **M**ultum conducet, ut ascendas ad
bræ. Regnum cœli, descendere mente ad centrum terræ. Per Inferos pervenies ad Superos. Sat produnt ipsa Tartari nomina, quot & qualia ibi sint supplicia. Quid est Tartarus, est locus subterraneus, situs in centro mundi, ad quem solis, lunæ, cæterumque astro- rum lumen nunquam pertingit. Est carcer furoris, chaos desperationis, Justitiæ officina, cavea stolidorum, insensatorum receptaculum, in quo æternæ mortis rei, omnibus quæ optare possint pri-

H 3

ventur